

續修廬州府志卷五十五

花翎道銜江南安徽廬州府知府清泉黃 雲總修

隱逸傳

士各有志高尚匪矜超然物外自斂材能巢田古風沒世見稱識時務者先後因仍

陶唐

巢父堯時人山居不營世利年老以樹爲巢而寢其上故時人號曰巢父堯之讓許由也由以告巢父巢父曰汝何不隱汝形藏汝光若非吾友也擊其膺而下之由悵然不自得乃過清泠之水洗其耳拭其目日向聞貪言負吾友矣遂去終身不相見

高士傳

續修廬州府志

卷五十五

隱逸傳

一

許由字武仲陽城槐里人也堯召爲九州長由不欲聞之洗耳於潁水濱時其友巢父牽犢欲飲之見由洗耳問其故對曰堯欲召我爲九州長惡聞其聲是故洗耳巢父曰子若處高岸深谷人道不通誰能見子子故浮游欲聞求其名譽污吾犢口牽犢上流飲之

高士傳

舊按明隆慶志許由與巢父相友善曾隱巢之臥牛山樊仲父堯時人堯欲讓天下於巢父巢父不受樊仲父牽牛飲水見巢父洗耳乃驅牛還恥令其牛飲於下流也仲父蓋亦巢縣人

嘉慶志

南唐

糝潭漁者吳太祖爲廬州八營都巡警憩於江岸有漁

父鼓舟直至前饋魚數頭日此猶公子孫鱗次而霸也
因四指日此皆公之山川吳公異之將遺以物不顧而

去 江淮異人錄

宋

葛化龍字雲升自號竹溪合肥人祖權父汝明在宋皆
明經化龍才質高潔克繼家學以策論登文科未久宋
亡抱道自樂終不仕值行中書省昂吉左丞宣慰淮右
聞其聲屢造門訂交化龍勸以惠政安民裨益良多晚
年隱居湖右買田築室爲養生計寄跡漁樵優游里社
子忠性純粹補學職 康熙志

元

續修廬州府志

卷五十五

隱逸傳

二

朱可與舒城人少好學博覽羣籍尤通尚書義慕古高
士風節不干仕進隱居教授以文行兼美著聞當時 明隆

慶志

吳志淳字主一無爲人本由涇縣遷居者工草隸優於
文學元末以蔭歷靖安都昌二縣主簿元亡遂不仕有

我已誅茅成小隱欲尋支遯到煙蘿之句 一統志安徽按州

志誤列入明府志沿之今改正

明

方自勉字聖修合肥人性方嚴不苟然諾里人比之王
彥方棄青紫隱於湖濱以古學教授生徒不入城市或
駕小艇出沒煙波間經月乃還子華見孝義 明隆慶志

李澹然字公永合肥人性孤騫落落寡合棄舉子業與友人陳系同讀書山中朝霞月夜常朗吟峯頂山中人聞之曰此窮措大嘯月聲也喜讀莊騷楞嚴諸書創一亭有丹楓數十株因顏之曰楓庵爲故魏伯陽煉丹處著有曠園集等書

明隆慶志

楊首春字元之舒城人澡身浴德不讓古人每與諸儒講論令聽者忘倦編茅成屋匿影空山有司往物色之不可得舒人爭高之

明隆慶志

濮師堯字懷唐舒城人性古直以醫術活人甚多子中玉成進士師堯布衣徒步淡然自足中玉居官亦有稱

明隆慶志

續修廬州府志

卷五十五

隱逸傳

三

楊大濂字潔甫無爲人高雅靜退以布衣被薦不就衣敝履穿灑然自適所著有詠史諸詩

明隆慶志

徐少游字勉之無爲人少豪曠善兵家言中歲放情泉石構瀾溪草堂讀書吟咏其中足跡不入城市與丁最董仝唱和號飯牛山人著飯牛藁

明隆慶志

鍾濟字海源無爲人守義端嚴不輕假色笑平生未嘗一接長吏舉鄉飲不就舍後築一園臨江面山以詩酒終其身

明隆慶志

朱岳號南山無爲人性聰穎博通經史尤長吟咏意不可一世嘗舉懷才抱德科不就以文學終晚年自號隱

求子

州志

丁最字文選無爲人積學淹雅不干仕進喜吟咏與少
參吳蘇原給諫許平湫諸公忘跡同游聯吟結社所著
有槃澗集行世又有董仝字子異隱居不樂仕進徜徉
自怡與槃澗諸君稱莫逆交

州志

張轍字良濟無爲人早年絕意科名厭居城市卜築南
山壘石爲基誅茅爲屋顏之曰孤臺有孤臺小藁

州志

季友賢字輔皇無爲人郡庠生淹貫經史兼精六甲書
占無不驗嘗居史閣部幕因父艱求歸里隱於黃山

州志

劉從周字憲明無爲人萬厯間諸生天啟時憤逆璫專
橫遂不應試鼎革後晦跡益深野服終老焉

州志

陸品字居一無爲人少豪俊肄業南雍有文譽游覽嘯

續修廬州府志

卷五十五

隱逸傳

四

歌終日不輟後家益落卜居閑園性好客過從皆佳士
清談竟日繼以蔬酒所居巖栖堂碧桐翠竹紫薇文杏
皆手自栽植著有放言集

州志

劉廷展字孟長無爲人明崇禎壬午舉於鄉聰穎善記
於書無所不讀築室西臯種花蒔竹四面環水擁書嘯
歌有終焉之志直指使薦之堅以疾辭

州志

曹大復字賓魯巢縣人諸生端行好學年七十慨然去
鄉邑或遇之白石山禪林中不交一言而去計其壽已
百三歲矣後竟不知所之

一統志
嘉慶志

國朝

楊林字綺南合肥人庠生幼穎悟誦讀一過輒不忘性

耽幽靜不營舉子業閉戶著書不履城市者三十年著有臥雲集萬松樓集行世

嘉慶志

王世珍字亦人合肥人性孤傲家貧好學尤精易數一日與鄰叟散步以杖敲巷口小石曰比將北行三十里叟怪而笑之頃有負擔者攜石納筐中均其輕重問之果居城北三十里詰其故不答嘗絕糧鍵戶臥吟族戚中有餽以酒食未至輒先知苟非其人忍餓不納或以金求授其術曰吾人讀聖賢書不聞有術余言偶中耳辛丑粵東大帥某公檄赴軍有司具裝促行不就日吾野人也將就木矣何能爲越數月預知逝期無病而

卒

縣志

續修廬州府志

卷五十五

隱逸傳

五

柳支賢號尚林合肥人居郡城之東長甯河隱於市爲酒家傭貸錢購書朝夕誦吟不輟性尤嗜詩咸豐三年賊氛四起每談及世事怒目決眦里中污行者姓名每畏其知晚年詩愈工著有白衣山人詩集年七十七無疾而終

縣志

樊曙江別號東溪老漁合肥人性情平淡不樂仕進晚年以詩酒自娛善畫梅工鐵筆尤善八分書得其尺幅寸楮者皆珍之卒年八十餘

縣志

李文猷字玉坪合肥人文安之從弟也少孤事母程氏至孝處昆季怡然無間言常從文安學聰穎善悟爲文有心得文安器之屢試不第後隨佐辦鄉團以功加五

品銜而生性曠達淡於榮利構宿花亭別圃偃息其中
灌園蒔花以吟咏自適尤嗜菊著禮菊真經一卷時於
花下自憊易簣之夕自作輓聯云此去何其寂寂再來
莫又恩恩蘊藉風流於斯可見年五十有八卒所若有
續吟秋社宿花亭詩賦文集待梓采訪冊

李運亨字靜齋合肥人勤學攻文隱居教授年近七旬
猶手不釋卷勸人爲善喜放生好施予鄉里重之縣志

蔡邦甯字靜遠合肥人歲貢生辛巳舉孝廉方正爲人
純任天真城西築趣園奉母課子怡然自得詩文清雋
遠出流輩著有浴蘭齋集采訪冊

沈尊字露葵合肥人性高潔數奇不偶讀古人書力窮

秘鑰家徒四壁晏如也工詩自號髯奴多載江左詩觀
如曬書云蕉影攤書碧桐花墜字香賞桃花云千樹桃
花一壺酒白頭人在亂紅中皆名句也采訪冊

朱俊字仲文廬江人歲貢文格超妙平生構制藝近萬
首多散佚不存縣志

盧從履號坦軒廬江人增生工書畫精音律詩不假雕
飾自寫情性嘗之金陵應鄉試將入場忽動遠遊思攜
琴硯徧遊江山名勝鼓棹而歸其胸次灑落大率類此
甘貧嚴取予竟日手一卷至老不懈年七十七以無疾

終采訪冊

郭尙友字千人舒城人少業儒工舉子業屢試不遇乃

棄去翦精堪輿歧黃而不屑行其術自桃溪移居淝之
星月城茆屋數椽讀書飲酒以數畝自耕給暇則種竹
栽花散步吟咏自號野樵子

縣志

褚沛之舒城人力學安貧工丹青善詩律多傳誦之句
如四壁雲煙歸老衲一天風雨待詩人之類

縣志

姜兆鯉舒城人庠生工於詩尤善丹青其題淨梵寺及
自題畫詩尤爲時傳誦詩云西城蘭若翠雲中憑弔周
郎氣自雄野老懵騰耕漢壘寒溪幽咽想吳宮草垂野
砌春煙綠花滿禪房夕照紅最是潺湲深谷裏孤舟猶
似泊江東自題畫詩云荒城隱隱插樓臺穩臥篷窗一
棹開十萬軍聲驚夢醒滿天青氣送潮來

采訪冊

靳倬字藹如舒城人歲貢生所居負郭葺小廬日淡軒
吟誦其中終年不涉城市恆攜小奚釣於溪上當春時
桃花盛開邑教諭張齡往訪之不值以不辨仙源何處

尋七字顏其居

采訪冊

秦春舒城人廩生爲人善議論美髯偉幹以家貧曾官
甘肅涼州經歷未幾乞養歸奉親家居十餘年再赴甘
肅以老病自免歸賣藥三河市中風日清美則出游布
衣葛履手執漁鼓歌歸去來辭以自樂年七十餘卒於

家

采訪冊

傅階楹舒城人增生家貧事親以孝聞構茅屋於城西
隅課子授徒足不入市晚年娛情詩酒種竹栽花年逾

胡景鉞舒城人增生不求聲聞布衣粗食時或不給心坦然有餽之者不受曰我於若無功長吏重其行欲一見不可得咸豐初里人欲舉應制科亦不就采訪冊

吳爾康字又人一字孟凱無為人明經吳默之子少工舉子業痛父以罵賊死遂棄去鼎革後隱居城南萇溪上因號萇溪為人沖淡簡遠翛然塵壒之外意有所適則發為詩歌性嗜酒喜與野僧田父泥飲篤于恩義每賑人之急自忘其艱既歿友人共梓其集行世名萇溪詩選同時以遺老終者有林若俊字振失廩貢生隱居東野不入城市者四十年朱智字子固性嗜學日與吳

萇溪陸士巖諸君放情邱壑著有北樵集錢若愚字智叟早歲補諸生後乃棄去徜徉山水著有埜墅吟州志

蔡梅字鶴招無為人家貧好學瀟灑自如常著白布衫自稱衣白者有風樓草竝嶧山桐諸集州志

呂貞字正也無為人初工舉業補諸生旋棄去工書法能詩所著有所思集州志

郭維清字雲九無為人絕意進取嗜學工詩至老不倦所居有桑者軒竹樹四圍望而知為高人宅里焉州志

趙關化字學孔無為人性古樸不屑屑章句力守朱子小學與近思錄其學以慎獨居敬為宗雖盛暑不脫巾幅鄉里重之州牧吳澧稱之曰隱君子采訪冊

楊秉灼號北愚無爲人庠生家貧力學嗜古留心河洛之學著述甚夥惜散佚遁跡白山蒔花種竹以醫濟時

冊 采訪

張問源號二漁無爲人庠生品端學粹學書四十年不倦避髮逆亂隱深山十年不解衣寢常危坐待旦六十

五歲卒

冊 采訪

何鳴字雲友無爲人諸生少有高才性淡泊耽吟咏中

年謝舉子業益肆力於詩所居名耦莊手植梅百餘本

日吟咏其間著有耦莊草行世

州志

黃傳紘字梅村無爲人善書工詩隱居不仕著書盈尺

有綠筠書屋詩草行世

冊 采訪

續修廬州府志

卷五十五

隱逸傳

九

周璧號鈍庵無爲人生五月失怙事母孝謹湛深經術

詩古文詞皆工隱於鳳凰山嘯傲自得著有樂天閒語

四卷

冊 采訪

程澂字靜江無爲人博通經史不樂仕進工書畫與同

邑侯竹愚爲友早年遊鳩江入黃左田畫社及黃貴遂

不往遊

冊 采訪

翟英字梅溪無爲人監生家素封樂施與喜吟詠兄弟友愛與名下士結怡園詩社儲書畫蒔花種竹綠蔭森

然望者知爲隱士廬

冊 采訪

周建邦無爲人性孝友隱居力學著有襪綫集等書說

地理有心得

冊 采訪

程華字九峯無爲人性靜退晚年習靜功尤深晨夕誦黃庭說未來事多驗又有程思玉字小石增貢生隱居

教授者數十年

采訪冊

黃書雲無爲人布衣性樸誠敦孝友工吟詠閉戶不妄

交遊養親課子里有貧乏者濟之不使受者知其名

采訪冊

冊

程曾耀字庚垣無爲人諸生性沈靜善詩畫敦宗睦族

不求仕進課徒終其身又蔣同律字桐岩者歲貢生閉

戶讀書授徒自給

采訪冊

吳淮字楚江無爲人歲貢生隱居山村咸豐間赭寇肆

虐義不蓄髮教授數十年橐中蕭然嘯歌不輟

采訪冊

續修廬州府志

卷五十五

隱逸傳

十

鄭漁號子綸又號葦舫巢縣人天性孝友能詩善畫得

古人筆意家褊貧不以介意蕭然自得

采訪冊

葛澍生號潤畬巢縣人父丹桂善丹青澍生故能畫筆

墨適勁性誠實不浮隱居別墅惟以讀書飲酒自娛不

輕入城市往來祇高人學士而已

采訪冊

張修發巢縣人品行端正隱居不出樂道安貧一鄉稱

善士焉

采訪冊

蔡顛字傑人巢縣人自幼穎慧嗜學多聞工草書善丹

青生平放懷詩酒不求聞達自號南山散人

采訪冊